

रवि शाक्य
इखाउँ, यल

श्रृङ्ग भेरी

(नेकू एवीकेगु बाखं)



नेपाल संवत् ११०४

श्रृङ्ग भेरी (नेकू प्वीकेगु बाखं)

चवमि

श्री बद्दीरत्न बज्राचार्य

संशोधक

श्री पं. अमोधबज्र बज्राचार्य

पिकाह्य

श्रीमाया मानन्धर

चस्वाँदो, येँ, नेपाः

प्राकू:- जननी छापाखाना

लगत्वा: येँ

श्व सफू दिवंगत पति रत्न बहादुर मानन्धरया
 नामं धर्म दान इना बियागु जुल ।
 श्रोमाया मानन्धर

ने० सं० ११०४
 ह्याषां १००० गू गुणुलि



जन्म ने.सं. १०२२ चिल्लागा अष्टमि
दिवंगत ने.सं. ११०४ थिलागा पञ्चमि

जिगु खँ

नेपा देया ह्लापाया धर्म बौद्ध धर्म धालसां महायान
खः। वहे धर्मानुसारं सी पिनिगु नामं नेकू प्वीकेगु धका
गुँला व कछलां चैत्यस्तुप आदि टःधंगु मुण्य भूमिस
वना नेकू प्वीका चाहिलेगु चलन कीगु नेपालय् ह्लापां
निस्यं दुगु खः।

तर थौं कन्हे स्वयम्भू माहाचैत्य वना गुंलां नेकू
पुइक वनेगु आ तकं चलन दनि, आथन स्वयम्भू माहाचैत्य
आदि प्यंगु यूगे प्यंगु उच्च पर्वतया विषय थथे।

भद्रकल्पे सत्य यूगे श्रीविपश्ची बुद्धं जातमा त्रच्च
पर्वत धालसानं जामाच्च पर्वते पलातया नागवास ह्मदे
पलेस्वाँया पुसा पिना बिज्यात । उगु इलय् सत्य धर्म
धयाह्य बोधिसत्व कल्लि यूगे गौतम बुद्ध जुया बिज्याइह्य
खः।

सत्य यूगेहे—धिलाच्चे श्रीशिखि बुद्धं पला तया
बिज्यागु उगु इलय् क्षमराज धयाह्य बोधिसत्व कल्लि

यूगे गौतम बुद्ध जुया बिज्याइहा खः ।

त्रेता यूगे-फुच्चे श्रीविश्वभू बुद्धं पला तथा बिज्यागु ।
उगु इलय् पर्वताख्य धयाह्य बोधिसत्व कल्लि यूगे गौतम
बुद्ध जुया बिज्याइहा ख । त्रेता रूगेहे सिपूच्चे श्रीक्रकुछन्द
बुद्धं पला तथा बिज्यागु उगु इलय् ज्योतिपाल धयाह्य
बोधिसत्व कल्लि यूगे गौतम बुद्ध जुया बिज्याइहा खः ।

द्वापर यूगे-श्रीकनक मुनि बुद्धया पर्याय उगु इलय्
सुधर्मराज धयाह्य बोधिसत्व कल्लि यूगे गौतम बुद्ध जुया
बिज्याइहा खः ।

द्वापर यूगे-श्रीकाश्यप बुद्धया पर्याय उगु इलय्
ज्वतिराज धयाह्य बोधिसत्व कल्लि यूगे गौतम बुद्ध जुया
बिज्याइहा खः ।

कल्लि यूगे श्री शाक्य मुनी गौतम बुद्धं पलाः तथा
बिज्यागु गोपुच्छ पर्वत (साह्येगु) पर्वस्थाने बिज्याना
मैत्रोबोधिरत्व आदि भिक्षु संघ पिन्त स्वयम्भू पुराण
व्याकर्ण याना बिज्यागु ।

थौं वन्हे-कतिपुल्लि खुनु आपालं चीभा बुसाधनयायिगु
जुया च्वँच्चन । थथ्य जुया च्वंगु छाया धासा नागवास
दँले होया च्वंगुपलेस्वांया मुले श्रीस्वयम्भू ज्योति रूप उपत्ति
जुया माहामंजुश्री गुरु यात दर्शन प्राप्त जूगु दिन खः ।

अनलि माहामंजुश्रीया निर्माण कार्य नागवास दँहया
लखँ सुचुवा ज्योति रूप स्वयम्भू उपत्ति जूगु पलेस्वांया

हावोयाथास बिज्याना अनं वःगु लः प्वातिय्का जल
स्तम्भ योग याना बिज्याबले उगु थासय् खगननादेवि
वीर विरेश्वरी विश्व रूप जुया दर्शन बिया बिज्यागु
थोलागा ९ स खः ।

उयां कन्हे खुन्हुयात दिशि पूजा धालसा दगमी पूजा
धका थौतवकं व दिनयात माने याना वया च्वंगु दनि ।

थथे महान पूण्य तिथि जुया च्वंगु नेपाः देशय् दे
दँसं गुंला मासँ खीं बाजं, धाः बाजं थाना द्योचाः हुला
नेकू पुया देव स्थल चाहिलेगू चलन दनि ।

थ्व नेकू प्वीकेगु खँ गनं प्याहा वया च्वंगु धका
माला स्वया चित्र विंशति अवदाने त्वीका संक्षिप्त मात्रं
श्रृङ्ग भेरी धालसां नेकू प्वीकेगु खँ धयागु जुल । थुकि
द्वंगु स्यंगु मगागु दयेफु स्वया बिज्याइपि व ब्वनादी
पिसं क्षमा तै धयागु मनं तुना ।

थ्वलेख ज्यू मज्यू स्वया संशोधन याना बिज्याम्ह
पूज्य गुरुवर श्री पं. अमोघबज्र बज्राचार्ययात सदां
प्रणाम दु ।

लेखक



नमोबुद्धाय

अथ अष्ट चैत्य वन्दना स्तोत्रम्

जाति बोधि प्रवर मतुलं धर्म चक्र मरण्ये
चैत्यं चार्य्य त्रिभुवन नमितं श्रीमतं प्रातिहार्य्यम् ।
स्थाने चत्ये गिरि नगर निभे देवदेया बतारम्
बन्दे भक्त्या प्रणमित शिरसा निर्वृता येन बुद्धाः॥१॥
बैशाल्या धर्म चक्रं प्रथित जिनवरे पर्वते गृद्धकूटे
श्रावस्त्यां लुम्बिनीच कुशिनगर वरे लुम्बिनी कापि लाख्ये ।
कौशल्यं स्थूल कूटे मधुर वर पुरे नन्द गोपा सराते
येचान्ये धातु चैत्यं दशबल बविता तान्नमस्यामि बुद्धाम् ।२।
कैलाशे हेमकूटे हिमवति निलये मण्डले मेरु श्रृङ्गे
पाताले वैजयन्ते धनपति निलये सिद्ध गन्धर्व लोके ।
ब्रम्हाण्डे विष्णु मूस्यां पशुपति नगरे चन्द्र सूर्या तिरके
येचान्ये धातु चैत्याः प्रणमित शिरसा तान्नमस्यामि बुद्धाम् ।३।
काश्मीरे चीन देशे खसत पुरबरे बल्करे सिंहलेवा
राताद्ये सिंहपोते सतत मबिर ल वल्करे कापि लाख्ये ।
नेपाले कामरूपे कुवस वर पुरे कांति शोभा सराते
येचान्ये धातुचैत्याः प्रणमित शिरसा तान्नमस्यामि बुद्धाम् ।४।
येचास्तु धातुगर्भा दशवल तनुजा कुंभ संज्ञाच चैत्याः
अङ्गारा क्षारस्थाने हिम रजत निभा स्तुप रत्नं प्रकाशम् ।
पाताले येच भूस्यां गिरि शिखर गता येच बित्ता समन्ताः
बुद्धानां येच बिम्बा प्रति दिन मस कृत्तान्नमास्यामि बुद्धाम् ।५।
इत्यष्ट चैत्य वन्दना स्तोत्र समाप्तम् ।

ओनमो बुद्धाय ओनमो धर्माय ओनमो संघाय

राग व्यांचलि ताल जति

गुँचोस देवलस बिज्याक अति रस
देवगणया सभा दय्कावरे ।धु।

छह्यन प्यह्य जुस्य प्यंगुलिदीगस्वस्य
रसन दनाव विज्याकरे ।

वन्य जि अन वन मनस तनमन
भज लये श्री भगवान रे ।१।

नसनि ह्येले चायु मायानं तोक पुयु
चोनिव पापस दुबिनावरे ।

मन नं मख नाव ज्ञाननं मभा लपु
लुमने मफु भगवान रे ।२।

मयानागुनिलाया पहल नसं चाया
अन्यग वाजन थाना वरे ।

छेवल उतु उस्य तुतलबोना जुस्य
रसन डेकुली पुया वरे ।३।

संसालया वह्य आसा सीगुँचो नाम कासे
श्वरग भूवन खनावरे ।

मदुजि गति खस्य पून्यया लँपु स्वस्य
वयजि छलपोलया थासरे ।४।

याहुन्य लोक जन त्रिरत्नया चरनसं
सि वा भगति तयावरे ।धु।

नदिवउतिजुस्य नरया आयुवल
थिरनमचोस्यतु ह्त्तचाकरे ।

नरया जन्मनस धर्म मभालपु
लिपतस नरकस लाइरे ।१।

मोहया वत्त जुस्य मायान तोक पुस्य
मखन धरभ मिखानरे ।

मभालपुइह लोक मयाक परलोक
वइ व मरनया कालरे ।२।

बालखस खयल लपु वाळासम भालपु
ज्याथस अलसि दुबिवरे ।

बायाव वन्यमानि मव व थवलिस्य
पिरतिजन धनसंपति ।३।

गिरिवर गोपु छस बिज्याक श्री धर्म धातु
ज्योतिरूप श्रीस्ययंभु ।

वस्पोलया सिवायासा मम्वालिदुर्गति
यनिवसुखावति भुवनरे ।४।

श्वरग नरकस वन्यथुगु लोक
याहुन्य लोकनसिया वरे ।

याहुन्य इहलोक श्वहुन्य परलोक
स्वहुन्य लोकन सियावरे ।५।

लातलेम मालपुमलाइव वइसस
लाइव क्षनमात्रनरे ।

लानानं लायमदु मनुष्य जनम
याहुन्य लोकन सियावरे ।६।

ययागु यने मदु यतले चोन्ल मदु
यनि व जन्मदुवालारे ।

जन्मया दूतयात पन्यमफु मामब्रौवं
पन्यमफु जन धनसंपत्ति ।७।



श्रृङ्ग भेरी

(नेकू प्वीकेगु बाखं)

जिं छगू इलय् थथे न्यना । श्री शाक्यमुनि भगवान्
बुद्ध राजगृह नगरे गृद्धं कुट पर्वते फिस्वसल भिक्षुगण
सहित बोध सत्त्व महासत्त्वपि मुद्धा बिज्याना च्वंबले ।

अन जगतया शास्ता शाक्य मुनीन्द्रया अमृत रूपि
धर्म देशना बिया बिज्याइगु न्यने धका देव सनुष्यादिपि
सकलें उपस्थित जुया च्वंच्वन ।

उगु सभा मण्डले शालिपुत्र भिक्षु थः च्वंच्वनागु
थासं दना तथागतया अग्रे जव पुलि पृथ्वीले चुया
खव पुलि थत कया ल्हाःनिपां जोपा बित्तियात हे
सुगत तथागत जिन जितः थ्व जगते नाना वाद्य आदि
श्रृङ्ग भेरी पुया चैत्य सेवा याना सु उद्धार जुया वंगु दु
उगु खँ आज्ञा दयेका बिज्याहुँ ।

थथे शालिपुत्रया बित्ति न्येना न्यंवया च्वंपि देव
मनुष्यादि सकल परिषदं ताये दयेक शालिपुत्रयात श्री
शाक्य सिंह तथागतं आज्ञा दयेका बिज्यात ।

साधु साधु शालिपुत्र थ्व श्रृङ्ग भेरी पुया चैत्य
सेवां उद्धार जुया वंगु खँ थथे ।

परा पूर्व काले स्वर्णवति नगरे स्वर्णकेतु राजा
हिरण्यवती रानी राजा व रानी राज्य हना च्वंवन ।

उह्य जुजुया हिरण्यवती रानीया पाखें न्याह्य काय्पि
दुगु जुल सुसु घालसा पुष्पकेतु १ रत्नकेतु २ सुर्यकेतु ३
दीपकेतु ४ चन्द्रकेतु ५ जुल ।

थ्व न्याह्य कुमारपि मध्ये दकले थजिह्य पुष्प केतु
कुमारं बन्धुमतिनगरे वना विपश्ची बुद्धया धर्म देशना
न्योवनेगु मतिताया मां अबुपिंगु पादकमलै प्रणाम याना
अबुयाके अनुमति कया स्यर्णवति पुरं बन्धुमति नगरे गमन
जूगु जूल ।

अनं पुष्पकेतु कुमार बन्धुमति नगरे थेंका विपश्ची
बिहारे वना तथागतयात प्रणाम याना बुद्धया अग्ने
च्वना थथे बित्तियात हे भगवान बुद्ध नाना वाद्य आदि
श्रृङ्ग भेरी पुया चैत्य सेवा याना सु उद्धार जुया वंगु
दु थुगु खँ आज्ञा दयेका विज्याहुँ धका पुष्पकेतु कुमारं
बित्तियागु जुल ।

कुमारया थुलि बित्ति न्येना श्री बुद्ध आज्ञा जुया
विज्यात ।

श्रृङ्ग भेरी पुया वाद्य आदि थाना चैत्य सेवा

यायेगु विशेषं श्रावण महीना तःअं हानं कार्तिक
महीनासं नं उलिहे फल प्राप्त जू । हानं थ्य निगू
महीनाय सुथ ह्लापां स्नान याना चैत्य स्थाने वा विहारे
तीर्थे तःधना च्वंगु पुण्य स्थाने मृदंम पना ताः भूस्या
आदि थाना शृङ्ग भेरी पुया प्रदक्षिणायात धालसा उह्य
मनुष्यया थुगु जन्मे सुख मम्पत्ति प्राप्त वी लिपा यागु
जन्मे भिगु कूले जन्म ज्वी ।

सुं दीवंगत जुवा वंपिगु नामं शृङ्ग भेरीपुया चैत्य
प्रदक्षिणा याना पुण्य प्रदान यात धालसा दुर्गति वने
म्वाला शतगति प्राप्त ज्वी । हानं चैत्य अग्रे च्वना
त्रिरत्नया शरण वन धालसा चित्त शुद्ध जुया बोधिज्ञान
प्राप्त ज्वी । लिपायागु जन्मे स्वर्ग लोके देव
राजा इन्द्र धायेका जन्म जूवने दै । थथे गुह्य
मनुष्यं चैत्ये सख्वालं पाना ध्वजा पताकार ब्वयेका बितान
आदि प्येना षोदशो पञ्चोपचारादि पूजा सुनां यायी
उह्य मनुष्ययात आपालं पुण्य फल प्राप्त ज्वी ।

हे कुमार आःथन शृङ्ग भेरी पुया उद्धार जुया वंगु
खँ कने एक चित्त याना न्यो ।

शशीपट्टन धयागु नगरे महाराजा सिंहकेतु जुजु जुया
बिज्याना च्वंच्वन ।

उह्य जुजु थःगु शरीर व करकिया शरीर उर्थे खः
धयागु मति मतसे ह्लि ह्लि जङ्गले वंना धनुषे तीर
ताछ्याया चला, धुं, भालु आदि अनेक वनया जन्तु

जनावन व ळंगः पंछि तयेत कयेका स्याना प्राण कया
जुया च्वंचवन ।

थथे थःह्य पतिनं ह्नि ह्नि जंगले वना शिकार
ह्यिता पर प्राण कया जूगु स्वयां स्वये मफया राजमहिषी
सूरक्षगी महारानी थथे जुजुयात बिन्तियात हे नाथ
स्वामि जिगु बिन्ति छगू न्यना बिज्याहुँ छलपोलं ह्नि
ह्नि जङ्गले वना ळंग, पंछि, जन्तु जनावर पिन्त
स्यायेगु ज्या तोता बिज्याहुँ हे नाथ छः पिनिगु थ्व
प्राणाति पापं लिभायागु जन्मे तःधंगु दुःख सिया भोग
याये मालि स्वया बिज्याहुँ ।

**अहिंसा परमं ज्ञानं अहिंसा परमं पदम् ।
अहिंसा परमं धर्म अहिंसा परमं तपम् ॥**

सुयातं मस्यायेगुहे तःधंगु ज्ञान खः तःधंगु पद खः
सुयातं मस्यायेगुहे तःधंगु धर्म खः तःधंगु तप खः

यदि मनुष्यपि मुक्ति वनेगु इच्छा दत धालसा
प्राणी मात्रयात हिंसा यायेगु ज्या कया वाक चित्तं हे
याये मज्यू ।

हे नाथ यदि छः पिनि इच्छा दःसा त्रिरत्नया नां
कया त्रिरत्नया शरण वना भजन याना चैत्य पूजा,

प्रदक्षिणा स्तोत्र यांना भिक्षुः ब्राह्मण, आचार्य, दुःखी
अनाथपिन्त दान प्रदान यांना सत्व प्राणीपिन्त करूणा
तया सुखं चवनां बिज्यहुं छलपोलयात जन्म जन्म पति
सुख प्राप्त ज्वी ।

थुलि महारानी धाःगु खँ न्योना जुजुं आज्ञा जुल हे
प्रिय छं छु खँ ल्हानागु छं गथे मसिल जुजुया कूले जन्म
जुसेलि धनुष धारणा यांना जङ्गले वना जन्तु जनावर
कंग पंछि शिकार यांना चवनेगु हे सुख खः ।

थथे जुजुया खँ न्येना महारानीं गुलिखे जुजुयात
धोल नं शिकार हित वनेगु रोके याये मफु ।

अनलि छन्हुया दिनस सिंहकेतु राजा स्वर्गारोहण
जुया बिज्यात अबले हे सुरक्षणी रानी बिरह सह याये
मफया थह्य नाथ सिंहकेतु महाराजा लिसें हे सहभागी
धालसां महारानी सती बिज्यात ।

लिं लिं जङ्गले शिकार वना जन्तु जनावर कंग
पंछि स्याना जूगु पापं नरक भोग यांना हानं वये शशी-
पट्टन सहरेतुं जुजु मे धायेका जन्म कावत ।

पर प्राण मकासे सत्य धर्मयात पालना यांनापतिव्रता
धर्म च्वंगु पुण्यं सुरक्षणी मतारानी वये शशीपट्टन सहरे
ब्राह्मण पिनिगु कुले ब्राह्मणीधायेका जन्म जुल ।

म्ह्यायेमचा जन्म जूगुलि उह्य ब्राह्मण व ब्राह्मणीया
हर्ष यांना थःगु कुलया अनुसारं व्यंका नांछुत उह्य मचाया
रूप अतिहे बांलागुलि ह्यायेमचाया नां रूपबती धयागु
नां छुना सुखं प्रतिपाल यांना लहिना तःगु जुल, गथे
पुखुया पलेस्वां तफो जुया बढे जुया वथें रूपबती नं तः
धीक जुया वल ।

अनंलि हानं उह्य ब्राम्हणया म्हचायेमचा बुया गुलिछि
दीन मदुनिबले ह्यापायागु जन्मे ह्निह्नि जङ्गले वना जन्तु
जनावर कंग पंछि स्याना जूगु पापं नर्के भोग यांना
सिहकेतु राजा मेया गले मे जुया जन्म जुल ।

म्हचायेमचा तःधिक जुया ल्यासे जुया वसेलि अले
अबुम्ह ब्राम्हनं मे गले मेयात बिचा रायंग रया रूपबती-
यात बियातल ।

रूपबती नं न्हि न्हि मे जोवना गः सुचूका मे बिचा
यांना च्वंच्वंगु जुल ।

रूपबती अतिहे बांलागुलि आपासियां पेन ल्हावल
थ्व खँ मां अबु निम्हसिया सल्हा यांना मां अबुं थथे धाल
हे रूपबती आः छ तःधिक जुया यौवनं पूर्ण जूगुलि छन्त
मेपिसं पेन ल्हावल छं छु इच्छा पूता ।

मां अबुं धाःगु खँ न्यना म्ह्यायेमचां थथे धाल
यो बाः यो मां इहि यायेगु जि इच्छा मदु छलपोल
पिसं जित बिया छ्वये धका धया बिज्याये मते बरु जि

छेँहे चवना छलपोल पिनिगु सेवा याना चवने पेन वने
मखु ।

थथे म्हाये रूपवतीं धाःगु खँन्यना दतं फतं थ्वये
छह्य म्हाये खः धका इहिपा मयासें छेँ तया तल ।

उह्य रूपवती न्हि न्हि मे जो वने थें जङ्गले मेयात
जोया व जङ्गले रङ्ग बिरङ्गया स्वाँ स्वया बास कया
ऊंग पंछि मधुर कोकिलया शब्द न्येना गुलि लहराया
कोये सिमाया हाःपोले फेतुना आनन्द रसं च्वंच्वं बले
जाज्वलेमानं रश्मि पिकया आकाशं सुवारग धयाह्य बोधि-
सत्त्व छह्य रूपवतीया न्ह्योने बिज्याना थथे आज्ञा जुल ।

हे रूपवती ब्राह्मणी छं आह्य जोया चवनाह्य मे छं
पूर्व जन्मया पति खः तर वं पूर्व जन्मे आपालं जङ्गले
च्वंपिं ऊंग पंछि जन्तु जनावर तयेत स्याना वःगु पापं
थूगु जन्मे मे जुया जन्म जूगु खः ।

आः थुगु हे मेयागु जन्मे आम मेयात थ्वहे जङ्गले
च्वंपिं जन्तु जनावर ऊंग पंछि तसें कर्म भोग याका स्याइ
तिनि ।

हे रूपवती छं पूर्व जन्मया पतियात शतगति लाकेगु
इच्छा दत धालसा जन्तु जनावर ऊंग पंछि तसें नया
वाँकी याना थकुगु क्वें फुक मुना गर्भे दुथना वया द्योने
चैत्य दयेका वहे मे यागु छपा नेकूलि
चैत्य यात लः लुया छपा नेकू पुया चैत्य सेवा याना ब्यू

धका थुलि रूपबतीयात आज्ञा जुया सुपारग बोधिसत्त्व
आकाशं तु अन्तर ध्यान जुया बिज्यात ।

अनंलि पूर्व जन्मया खँ लुमना वयाः रूपबतीं मेयात
ऊन ऊन बिचा याना जङ्गले यंका भिंभिगु घाँये नका पोष
याना सेवा याना च्वंच्वन ।

न्हि न्हि मे जोवने थेंतुं जङ्गले वना मेयात जोया
सिमाया कवये रूपबती फेतुना च्वंच्वन। मेया घाँये मारामारां
नया जङ्गले कोये च्वंगु खुसिचाये लः तोने धका मे खुसी
वना लः त्वंवन । अबले अनं वः थनं वः मदयेक धुँ, सिंह त
वया मेयात ऊमते याना ह्येकया क्वाँ क्वाँ हायेक सास्ति
याना मेयात स्याना धुँ, सिंह, भालु, गृद्ध आदि ऊंग पंछि तसें
लानया क्वेँ व नेकू निपा जक बाकी याना थकल ।

लः त्वं वंहा मे बिशब्दं हाःगु ताः तर ल्याहाँ मव
ह्मिग ह्मिग जूसा सुरू सुरू वंहा मे थौं छाये मवगु
धका रूपबतीया धन्दा कया खुसी वना स्वः वं बलेला
घाहा लाछकूहे मदयेक नया खाली क्वेँ व नेकू निपा
जक बाकी याना मेयात स्याना तःगु रूपबतीं खना
अनहे तुं नुगः दाया क्वेँ घेये घेये पुया साप मिक्
बिरह याना थथे धया च्वन । सुपारग बोधिसत्त्वं धया
बिज्यागु खँ धाथे खः धका खवखवं थःगु छेँ रूपवतो ल्यहाँ
वना माँ अबुया न्होने जङ्गले जूगु घटनाया खँ फुक कना
च्वंच्वन ।

मह्यायेनं कंगु खँ फुकं न्यना रूपबतीया खा स्वया
माँ अबुं थथे धाल म्वाल पूता मे छह्य सित धका आमथे
बिरह याना खवये माला हानं मेह्य मे न्याना बी पूता
म्वाल खवये मते ।

माँ अबुया खँ न्येना मह्यायेमचां थथे धाल मखु यो
माँ यो बा थोति जोह्य मे जित दैमखु मेह्य मे जित
न्याना व्यूसां नं जिगु नुगः खवःगु धिर्ज ज्वी मखु ।

हानं मह्यायेयात माँ अबुं थथे धाल म्वाल पूता
म्वाल खवयां छुयाये सीधुकूह्य हानं त्याहाँ वैमखु म्वाल
मन धिर्जया ।

अनंलि सुपारग बोधिसत्वं आज्ञा जुथे रूपबती हानं
खुसी वना मेयागु क्वेँ दक्वं मुना गर्भे तया वया द्योने
फियागु चैत्य दयेया यथा श्रद्धां पञ्चोपचार पूजा याना
वहे मेयागु छपा नेकूलिं चैत्ययात लखं लुना छपा नेकू
धालसां श्रृङ्ग भेरी नेकू पूया चैत्य प्रदक्षिणा याना
अखुन्हुनिसें थुगु कथं ह्लि ह्लि चैत्य सेवा याना च्वच्वं निःछन्हू
दुगु दिनस अथेये चैत्ययात नेकूलिं लखं लुया श्रृङ्ग भेरी छपा
नेकू पूया पूजा याना च्वंगु व्यले रत्न चैत्य छगः आकाशे
दया वल व चैत्यं याना रश्मि प्याहाँ वया सकभनं रश्मि
खया वल थ्व प्रादूरभाव खना रूपबती बडा आश्चर्यं
चायां ल्हाःनिपां बिन्ति याना आकाशे थस्वया च्वंच्वन ।

हानं उबलेये आकाशे दया वःगु चैत्य सुरूरूँ क्वाहा

बया मेयागु अस्थि दुथना दयेका तःगु फियागु चैत्यया
गर्भे द्वाँवन व रत्न चैत्यय् फियागु चैत्यय् द्वाँवने वं हे
फियागु चैत्य नं रत्नयागु चैत्य जुया वगु जुल ।

अले व चैत्यया प्रादूरभावं व थास पःखा दया
कुटांगार नं दया वल हानं व दया वःगु कुटांगार नं रत्न
मय जुया द्वार तोरण आदि दया ध्वंज पताकार कि
किनि जाल बितान फेग छत्र आदि दया नं वल हानं
चैत्यया छ्चा खेलं जात जातया स्वाँमा सिसाफल मानं
दया वःगु जुल ।

हानं वये चैत्यय् लःछाया पूया तःगु वये मे यागु
शृङ्ग भेरी नेकूलि चिकि धिकह्म बाँलाह्म पुरुष छह्मनं
प्याहाँ वल हानं उह्म पुरुष स्व स्वं हे तःधिक जुया वःगु
जुल ।

थ्व स्वया रूपबती ब्राह्मनी बडा आश्चर्य चाया
बिन्तियात छःपि सुखः गुम्ह खः आज्ञा जुया विज्याहुँ ।

ब्राम्हणीया ख्वा स्वया शृङ्ग भेरी घालसां नेकूलि
प्याहाँ वःम्ह पुरुषं थथे धाल साधु साधु, पतिव्रता घर्मयात
पालना याना सत्य धर्मे च्वना पतियात उद्धारयाम्ह हे
मिसा, छं गथे जि म्हमसिल ।

हे रूपबती छं हे यागु घर्मया पुण्यं खःनि जि थौं
शृङ्ग भेरी नेकूलि जि प्याहाँ वयाः उद्धार जूगु खः ।

छं गथे मसिल थ्वहे शशीपट्टन धयागु नगरे जि जुजु
 धायेका च्वना छ जिगु रानी सुरक्षणी धायेका च्वंच्वन तर
 छं धाःगु खँ जि मन्येसे जङ्गले वना शिकार ह्यिता जन्तु
 जनावर छंग पंछि तयेत रयाना पाप याना च्वनागुलि जि
 अनेक नरवया दुःख भोग याना थौं मे यागु कुले जन्म जुया
 थुगु दुःख, भोग याये माला च्वन आः छं शृङ्ग भेरी
 पूया चैत्य सेवा यागू पुण्यं जि उद्धार जूह्य जुल ।

थथे शृङ्ग भेरी नेकूलि प्याहाँ वह्य पुरुषं धाःगु
 खँ न्येना रूपवती थथे धाल अहो जिगु भाग्य चैत्य सेवाया
 पुण्यं जि पुरुष बिदोग जुया च्वंमहेसित थौं जित पुरुष
 संयोग जुल धका मन हर्ष याना निम्ह सिया नं चैत्य
 पूजा प्रदक्षिणा याना अनलि शृङ्ग भेरी प्याहाँ वम्ह
 पुरुषं तारा देवीयागु नाम उच्चारण याना चैत्य राजाया
 अग्रस च्वना शृङ्ग भेरी धालसां नेकू पूया स्तोत्रयात थुगु
 नेकू पूगु शब्द शशीपट्टन नगर छगुलि गुंजये मान जुल
 थुगु शब्दं शशीपट्टन नगरवासी गनपिसं ताया थ्व मधुरगु
 शब्द छुकियागु शब्द धकानगरवासी गणपि सकलें मुना
 उगु चैत्य भुमि वया स्वःवगु जुल ।

अन स्वःवपि सकल दर्शक बर्गपि सकलें आश्चर्य
 चाया ब्राम्हणी रूपवतीयाके आम्ह सु पुरुष खः गुम्ह खः
 धका न्येना च्वन ।

अबले सकलसियां ताये दयेक रूपवती ब्राह्मणी नं
 सुपारग बोधिसत्वं आज्ञा जूगु खँ निसें पूर्व जन्मे सिंहकेतु
 राजा सुरक्षणी रानी धायेका शशीपट्टने जूगु खँ निसें
 चैत्यया अग्रे जुगु खँ दक्कं लोकपिन्त कंगु जुल ।

थये ब्राह्मणीनं कंगु खँ फुकं लोकपिसं न्येना सकलें
 हर्षमान जुया थ्व नेकूलि प्याहां वह्य पुरुष थ्वयां ह्याप
 यागु जन्मे की जुजु खः थ्व ब्राह्मणी की महारानी खः
 धका निह्य तेपु यातनं जात्रा याना उह्य नेकूलि प्वाहाँ
 वह्य पुरुषयात भद्र श्रृङ्ग धयागु नां तया राज्याभिषेक
 विया राजा रानी याना बिल ।

अनंलि शशीपट्टन देशया राजा भद्र श्रृङ्ग रानी रूपवती
 धायेका आनन्दं राज्य भोग याना च्वन । छन्हुया दीने
 भद्र श्रृङ्ग राजां देशवासीपि सकसितं राजदरबारे सःता
 पतिव्रता धर्मे च्वना च्वंह्य ह्यापायागु जन्मयात जिह्य
 कलानं धर्म याना जित नरकया दुःखं तरे याना ब्यूगु
 खः, वं चैत्यया सेवा याना च्वंगुया प्रभावं थ्वहे शशीपट्टन
 देया राजा धायेका राज्य भोगयाय् खन ।

हानं शशीपट्टनया राजा भद्र श्रृङ्ग, रानी रूपवती,
 राजा रानी जुया च्वन । हानं भद्र श्रृङ्ग राजां देश-
 वासीपि सकसितं कलानं याना थःत नरकया दुःखं तरेयागु
 खँ सकलसितं कना चैत्य सेवा याना भद्र श्रृङ्ग राजां
 शशीपट्टन नगरे राज्य चले याना च्वंगु जुल ।

थ्व खँ बिपश्वी बुद्धं पुष्पकेतु कुमारयात आज्ञा
दयेका बिज्यागु जुल ।

थथे पुष्पकेतु राजकुमारं बिपश्वी बुद्धयाके न्येना थःगु
स्वर्णपुर देशय्तुं ल्याहाँ वया स्वर्णकेतु पिता हिरण्यवती
मातायात बिपश्वी बुद्धं आज्ञा दयेका बिज्यागु खँ दक्वं
कना बिनित्यागु जुल ।

थ्व खँ न्यना काये खना हर्षमान जुया राजा स्वर्णकेतु
नं चैत्य सेवा याना सुखपूर्वकं राज्य हना च्वंगु जुल ।

थ्व खँ गृद्धकूट पर्वते च्वना श्री शाक्य सिंह भगवानं
शालिपुत्र भिक्षुयात आज्ञा दयेका बिज्यागु खँ जुल शुभम् ।

॥ शृङ्ग भेरी बाखं ववचाल ॥





थाकू:- जननी द्यापाखाना

लगत्वा: ये